

Home > RIGAUT DE BERBEZILH > EDIZIONE > Atressi cum l'orifans > Tradizione manoscritta > CANZONIERE B > Edizione diplomatica

Edizione diplomatica

Image not found https://letteraturaeuropea.let.uniroma1.it/sites/default/files/1_2.jpg	Richartz Deberbesiu. ATressi cum lorifans. Que qand chai nois pot leuar. tro lautre ab lo cridar. delor uotz lo leuon sus. et eu uuoill segre cel us. Q(ue) mos mes faitz mes tant greus epesans. e si la cortz delpoi elo bobans. eladreit p(re)tz dels leials amadors. nom releuon ia mais non serai sors. Q(ue) deigneson p(er)mi clamar merce. lai on preiars ni merces nom ual re.
Image not found http://letteraturaeuropea.let.uniroma1.it/sites/default/files/Cobla%202.jpg	E sieu per los fin amans. non puosc en ioi retornar. p(er) totz temps lais mon chantar. Q(ue) de mi noi a ren plus. Anz uiurai cum lo reclus. sols ses solaz caitals es mos talans. Q(ue) mauida mes enois (et) afans. egaugz mes dols e plazers mes dolors. Qieu no sui ies de la maniera dors. Q(ue) qui bel bat nil ten uil ses merce. el engraisa e meil- lura e reue.
Image not found http://letteraturaeuropea.let.uniroma1.it/sites/default/files/Cobla%203.jpg	B en sai qamors es tant grans. Que leu me pot p(er)donar. Sieu failli per sobramar. ni reignei cum dedalus. Q(ue) dis qel era ihesus. euolc uolar al cel outracuidans. Mas dieus baisset lorgoille e lo sobrans. emos orgoills non es res mas amors. P(er) q(ue) merces mi deu faire socors. Q(ue) maint loc son on razos uens merce. eloc on dreitz ni razos nois aue.

	A tot lomon sui clamans. demi ede trop parlar. e sieu pogues contra far. Fenix don non es mas us. Qe sart epois resortz sus. eu marsera car sui tant malanans. ab mos fals digz messongiers etruans. re sorsera ensospirs (et) enplors. lai on beutatz e iouens e ualors. Q(ue) non i faill mas un pauc demerce. Q(ue) noi sion assemblat tuich li be.
 	Ma chanssos er drogomans. lai on eu non aus anar. ni ab dreitz hu oills regardar. tant sui conquis (et) aclus. eia hom no mi escus. Mieils de dompna don sui fugitz dos ans. Men torn auos dolorros eplorans. Aissi col cers q(ue) qand a faich soncor(s). torna morir al crit del cassadors. Ai si torn eu dompna en uostra merce. Mas vos non cal si damor nous soue.
	T al seignor ai encui a tant de be. Q(ua)n men sove non puosc faillir en re.

- letto 374 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911 CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/edizione-diplomatica-712>